



Broj: 03-11-7-546-8/26

Datum: 15.07.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama ("Službeni glasnik BiH," br. 39/14, 59/22 i 50/24) i Preporuke Komisije za javnu nabavku, broj: 03-11-7-546-7/2026 od 14.07.2026. godine, u postupku javne nabavke usluga, direktor Agencije za državnu službu Federacije BiH, donosi

ODLUKU

o izboru najpovoljnijeg ponuđača za nabavku usluga fiksne telefonije

Član 1.

Prihvata se Preporuka Komisije za javnu nabavku usluga fiksne telefonije za Agenciju za državnu službu Federacije Bosne i Hercegovine i okvirni sporazum za javnu nabavku usluga, za period od 24 mjeseca, dodjeljuje se ponuđaču BH TELECOM d.d. Sarajevo- Direkcija Sarajevo, po Ponudi, broj: 08-22-57360/26 od 09.07.2026. godine, za ponuđenu cijenu od 14.890,53 KM bez PDV-a, odnosno, 17.421,92 KM sa PDV-om.

Član 2.

Prijedlog okvirnog sporazuma za javnu nabavku predmetnih usluga dostavit će se na potpis izabranom ponuđaču.

Član 3.

Ova Odluka objavit će se na web-stranici ugovornog organa, www.adsfbih.gov.ba, istovremeno sa upućivanjem iste ponuđaču koji je sudjelovao u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-564/26 od 10.06.2026. godine. Javna nabavka je pokrenuta putem konkurentskog zahtjeva za dostavljanje ponuda. Procijenjena vrijednost nabavke iznosi 15.000,00 KM, bez PDV-a.

Obavijest o nabavci, broj: 167-7-2-68-3-17/26 objavljena je na Portalu javnih nabavki, dana 01.07.2026. godine. Sa Portala Agencije za javne nabavka tendersku dokumentaciju preuzelo je 9 ponuđača.

Komisije za javne nabavke za potrebe Agencije za državnu službu Federacije Bosne i Hercegovine za 2026. godinu, imenovana Rješenjem direktora Agencije, broj: 01-11-7-342/26 od 10.04.2026. godine, izvršila je otvaranje, te pregled i ocjenu zaprimljene ponude prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 1 (jedan);
- da je ponuda blagovremeno zaprimljena;
- da nije bilo neblagovremenih ponuda;
- da je pristigla ponuda prihvatljiva;
- da nije bilo neprihvatljivih ponuda.



Komisija za javnu nabavku sačinila je Zapisnik o pregledu i ocjeni ponuda i dala preporuku direktoru Agencije da se okvirni sporazuma na period od 24 mjeseca, za javnu nabavku usluga fiksne telefonije dodijeli ponuđaču BH TELECOM d.d. Sarajevo- Direkcija Sarajevo, koji je jedini dostavio ponudu, koja je ocijenjena kao prihvatljiva, sa ponuđenom cijenom od 14.890,53 KM bez PDV-a.

U postupku donošenja ove odluke, direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se podnosi Uredu za razmatranje žalbi Bosne i Hercegovine, putem Ugovornog organa, u pisanoj formi, u najmanje tri primjerka.



DIREKTOR
Refik Begić, magistar uprave

Dostaviti:

- ponuđaču
- računovodstvu
- spis predmeta
- a/a

